

IES-VITICA PRIMA.

QUOD tanta vniuersi studii Parisiensis trepidatione concurrimus, tam acri tamque sollicita singulorum Academiae ordinum contentione; facit communis, quod in ista causa vertitur, periculi magnitudo. Tentantur in vnius scholæ discrimine fortunæ omnes vniuersitatis, spes patrimoniumque studiosorum inopum, beneficia Regum, Pontificum, hominum sanctissimorum, prædiorum nostrorum Collegiorumque firmitas omnium hoc vno iudicio constituenda, aut, quod Deus omen auertat, aduersariorum fraude labefactanda. Id agitur an eorum qui se Domini Iesu Societatem nominare audent, insatiabili auaritiæ patere, opibus parere, sacra, profana, aliena debeant omnia; an incolumi Academiae Parisiensis ornamenta sua, aut, si minus ea, sua certè membra Collegiisque liceat in posterum, tuta ab istorum cupiditate reti-

nere. Nec enim recusandum erit, nisi regia potestate ac vestrarum æquitate sententiarum, illustrissimi Comites, Iudices integerrimi, noua istorum molitio euerfa sit, quin, sicut in Cenomano cœperint, Choletæum quoque Collegium, quod iampridem occupare conati sunt, Plessiacum, Majorisque Monasterij, quæ dudum à B. Martini Turonibus Monachis eblandiuntur, vicina Remorum, Beatæq; Barbaræ, quibus imminet, tum verò cætera Nauarraum atque Sorbonicum, quibus inuident, tandem obtineant, si parem nacti sint Episcopo Cenomanico Moderatorem, Administrum, Tutorémue scholarum, qui rem alienam, fidei suæ commendatam distrahere pretio, ad extraneos transferre audeat, & in sua commoda conuertere.

Christi res eiúsque studiosorum pauperum in mercimonium abducitur: id instituunt Sacerdotes, & Episcopus seu Princeps Sacerdotum; pretium non argentei triginta, sed, sicut sunt istorum copiarum majores, Turonicorum argenteorum tria & triginta millia, vendit is cuius erat maximè tueri: emunt, quibus nihil satis esse potest,

quos vrbiū amplissima Lutetia , quos
 vniuerſa Gallia orbisque terrarum , ſi ve-
 nalis ſit, emtores inuenerit. Vendit ille,
 cui, ſi prædia beneficiaue Clericorum , ſi
 Canonikorū munera , ſi ordinationes,
 ipſumque ſacerdotium , ſi altaria , delu-
 bra , ſacræque omnia , profanæ impiæque
 pecuniæ commercio mutarentur : ſan-
 ctum integrumque eſſe debuit , quod Pa-
 riſijs in hoc ſplendore literarum , in hac
 luce Galliæ, Sole Iuſtitie, Regis in oculis
 aſpectûque poſitum eſſet. Emunt, quibus
 admirabili maximi Regis clementia ab
 exilio reuocatis eâdem reſtitutionis ſuæ
 lege interdictum eſt , ne quid in Acade-
 mias nouæ rei moliantur , ne quid nouæ
 poſſeſſionis acquirant : qui contempta illa
 regiæ voluntatis, ſuæq; reuocationis con-
 ditione , annis duodecim proximis circa
 ſuum Claromontanum, ædes octo : plures
 ad B. Pauli , vbi vaſtiſſima quoque palatia
 copioſis hominibus locant : ad Germani
 Suburbium , latifundia ; vbique immen-
 ſas areas, excitandis ampliſſimis templis;
 quibus antiqua parœciarum iura diſtur-
 bent, vbique latas inſulas cõpararunt :
 in proximo rure ad dextram Sequanæ

ripam, Roquetum & Charonæum, ad sinistram, Ipsiæcum & Gentiliacum, hinc inde magnificas ædes, hortos, ambulationes arboribus confitas, nemora, fontes, viuaria, lacus, vineas, agros: quæ si conferrentur in vnum omnia, & amplitudine loci ac vastitate, & ædificiorum mole, quamplurimas è clarissimis Galliæ ciuitatibus longè superarent.

Pactio autem, vt ad rem causamq; veniamus, ijs legibus instituta, vt Collegium Cenomanum, ædes eius sacræ cæteræque, fundi, census, aliena omnia tenenda, possidendæque ijs tradantur, qui se Iesuitas appellari volunt. Alumni seu alimentarij scholastici, Bursarios vulgò dicunt, decem fuerant: vnus præterea communis rei Procurator, vnus etiam Collegij Moderator, quorum vterque, Collegarum duorum locum & cōmoda obtinebat: ita quatuordecim Alumni fuerant: status ille numerus commouetur, pro quatuordecim quinque retinentur, quos alant inter discipulos suos Iesuitæ. Merces Episcopo proponitur, triginta tria Turonicarum librarum millia, quam ille conferat in ædes sibi, & vt

posteritatis studio ducitur, Successoribus suis, Lutetiæ comparandas.

Atque, vt in eo primùm gradu consistam, quod caput est totius controuersiae: quo iure, quam autoritate, Carolus Bellomanerius venerabilis Ceno-
manorum Antistes, tantùm sibi licere voluit, non alia præditus administrandi Collegij potestate, quàm quæ lege Conditionis, ea fundatio est, ei tribuitur? vt Collegas dicat, atque in eorum mores & studia animaduertat, sufficiat decedentibus alumni successores, rationes procuratæ rei expendat: id ille si neglexerit, ius sit insignis Ecclesiæ Parisiensis Cancellario inspiciendi, ius sit Archiepiscopo Turonum, inde Lugdunensium, decernendi: si quid ille perperam constituerit, si quid contra statuta Conditorum sanxerit, fas sit Collegis omnibus se suâque aduersus eius iniuriam tueri, eius voluntati obistere, decreta, signum, tabulas repudiare? Id Luxemburgici testamenti Curatores, qui collegium id, ex amplissimi Cardinalis mente iudicioque excitarunt, diligentissimè prouiderunt, id in primas præcipuâsque tabulas retule-

runt, ne quando Conditoris beneficium, sicut ipsi timuerunt, & sedulò præmouerunt, Episcoporum Cenomanorum incuria concideret, aut libidine ac temeritate aliò traheretur.

At reuerendus Cenomanicus totam conditionis legem euertit, nouam arbitrio suo, in alienam rem inducit, Collegarum numerum à Philippo institutum mouet, Magistrum Collegij & Procuratorem ex illius suprema voluntate positos exturbat, Scholam Academiæ Parisiensis ornamento præsidioque structam nouis hominibus tradit, quos Philippus Luxemburgicus nescijt, quos eius ætas felicior ignorauit. Collegium Cenomanum Luxemburgicæ familiæ munus est, non Lauardinorum, Carole venerabilis antistes, non Bellomaneriorum tuorum. Est amplissimi Cardinalis beneficium, Episcopi quidem Cenomani, non est, Episcopatus aut Cleri, non Ecclesiæ Cenomanorum est. E Philippi Luxemburgici, Morinorum, deinde Cenomanorum Episcopi pecunia conditum est, non ex Episcopatus vel Ecclesiæ Cenomanicæ fundo munusculoue ylo.

At quod Cenomanum est Collegium, ita enim dicunt & pro magno venditant causę suę firmamento, ædes olim Cenomanorum Episcoporum fuerunt. Fuerunt ædium vetustate intercidentium, aut etiam collapsarum, pridem desertę reliquię. macerię, rudera, quę & ipsa purgata atque aucta sunt, nouum vt ædificium à Curatoribus Luxemburgici testamenti exstrueretur. Nec ea quidem donata sunt ab Episcopo Cleroque Cenomanorum; vendita sunt, sicut & tabulis emtionis liquet, vendita sunt rudera macerięque: à curatoribus emta est area, post sedulam Cenomani Cleri ac Episcopi, post accuratam Archiepiscopi Turonum inquisitionem, annuus census viginti quinque librarum Turonicarum assignatus est, qui quotannis eo nomine Cenomanum Episcopis à collegio penderetur, ære collegij, si quando commodum esset, redimendus. Nec ijs quidem collapsarum ædium spatijs totius collegij ædificatio comprehensa est: plures è vicinia domus adjunctæ sunt, primùm à testamenti curatoribus, dehinc à collegis, pretio, vt sese fors obtulit, comparatæ. Area quoque à religiosis viris

Majoris Monasterij fratribus , Collegio Cenomanico data est , in qua cum ædes aliæ conditæ , tum eximium sacellum , quod jam euertendum , vt ex ista pactione constat , Iesuitis à reuerendo Cenomanico tribuebatur. Itane verò ? quod post Luxemburgicum beneficium venerandi Abbates Majoris Monasterij , quæ locum Eminentissimus Cardinalis tuetur ille qui Francicam dignitatem inuicti Regis auspicijs vnus omnium fortissimè constantissimèque defendit ; quod B. Martini fratres collegio suo detraxerint , Cenomano piam in causam adiunxerint , id ijs inscijs , id inuitis & repugnantibus ad Iesuitas perueniat , alios in vsus commutandum ? Ideone Collegæ superiores magna viri castitate atque parsimonia , ædificationi Luxemburgicæ coemptas ædes adjecerunt , vt in ijs tandem aduersarij sui perpetui , eiectionis legitimis possessoribus , exultarent ; vt Carolus Bellomanerius Reuerendus Præsul , venditis ijs testis , nouis sibi comparatis , amplè magnificèque Parisijs habitaret , si quando eum vitæ Cenomanicæ rusticique secessus poeniteret ?

Iam

Iam verò qualis est ista iuris legumque perturbatio? Alumni xiv. ad v. rediguntur. Quinque sunt! at quatuordecim esse iusserant, qui è Luxemburgico testamento Scholam condiderunt. Ea lege, ea conditione Philippus de suo dedit, non de tuo, Carole venerabilis antistes, vt ad eum numerum quem eius voluntatis interpretes Curatores testamenti designarunt, eius beneficium pertineret, non vt ad istas angustias tuo arbitratu contraheretur: non vt quod illi cum pluribus communicandum instituerunt, ad paucos tuo iudicio recideret; quique locus pauperibus quatuordecim lege Conditionis datur, eum vt tu locupletum quinque consanguineorum, cognatorum, aut amicorum tuorum liberis assignares. Nam ita se res habet, illustrissimi Comites. Pactus est cum Iesuitis Episcopus Cénomano-
 rum, vt ij quinque, quos residuos esse voluerunt, cum lautiorum, & vt ipsi appellant, honestiorum liberis alantur. Eò res videlicet vniversa spectat, vt qui plurimum in agro Cenomano ambitione gratiaque apud Episcopum valebunt; valebunt autem his moribus semper, qui pluri-

mum opibus in eâ dicecesi poterunt : aut si qui pecunia Comitatum Episcopi famulique corruerint, nec enim in Episcopo suspicari sordes & avaritiam licet, eorum liberi in Iesuitarum disciplinam tradantur: pauperculisque duodecim studiosis, quinque locupletes substituantur.

Sed æquam videri volunt facti sui causam, septē collegas, aut nouem detrahunt, vt vnctius residui quinq; lautiusq; vescantur. At conditionis tabulis non solum diligentissimè prohibetur, quod ille venditor, quod emtores isti volunt, ne definitus à Conditore numerus idcirco minuatur, vt sit paucioribus alumnis, vnde saturi sint, religiosissimè quoque cautum est, ne plura commoda duodecim illis aut quatuordecim alumnis postmodum adiciantur. Luxemburgici testamenti Conditores eam præferunt produntique testatoris sapientissimi voluntatem, constituunt ne collegis quos è pauperibus lectos ali parcè, nam ita loquuntur, parcè tenuitèrque præceperunt, iis, duodecim, si plures fuerint, ne præter eum censum quem assignauerunt, vberior alius adjungatur. Non id Episcopo Cenc mano mut-

are, non Archiepiscopo Turonum, non Sedis Apostolicæ Legato, non Beatissimo Papæ, non alij cuiquam mortalium licere voluerunt. Si Collegę duodecim essent, Romano Pontifici non liceret. ea mens nempe Conditorum fuit, ea sententia voluntasque Testatoris, non liceret Sancti Petri successori Vicarióque *Christi* Censum ijs suum amplificare, aut amplificandi cuiquam tribuere facultatem. Cenomanorum Episcopus septem Collegas exturbabit, atque pretium inde auferet, vt quinque reliqui pinguius splendidiusque inter cultos & nitentes pueros diuitum ac beatulorum hominum filios prandeant! Et hoc esse lucrum pauperum, hanc esse commemorant Cenomanæ Scholæ instaurationem!

Age verò, si commodum id est Cenomanorum Scholæ, Claromontanorum, a. onus atque damnum; cur hominum callidissimi iidemque minimè prodigi Iesuitæ, tanti, alienum emolumentum, suum emunt detrimentum? Cur pauper, imò & mendica societas, ea nanque Iesuitarum religio prædicatur, tria librarum

Turonicarum & triginta millia locupletissimo Cenomanorum Episcopo dabit? Cur inde pretium vllum capiet, quo sibi sedem atque domicilium Parisiis Cenomanorum antistes paret? Ideóne Luxemburgica pecuniâ, macerie tumulique, lapсарum ædium, quæ Cenomanorum olim Episcoporum fuerant; ideo tanti emta sunt rudera, vt postquam Cardinalis amplissimi beneficio ades pauperibus studiosis, à fundamentis ea in area excitatæ essent, Collegæ præterea nouas adiunxissent, Maius Monasterium quædam addidisset, ea Carolus Bellomanerius venderet omnia, vt ipse vt successores, nisi meliorem iis mentem Deus dedisset, nisi gregem, nisi stationem suam amarent, Lutetiæ scilicet, laxè splendideque habitarent.

At, commodum id, inquit, non ad vnum me ad successores meos Cenomanorum Episcopos, si modo vti volent, perueniet. Non iam eius conscientiam appellabo, non scrutabor intimos eius animi recessus arcanamque mentem, quam scriptæ ad familiarem, imò Patrem (sic enim hominem sæculi, reuerendus Epi-

scopus appellat Mœchinerium nescio quem) Epistolæ duæ Caroli manu scriptę , nota gentilitii stemmatis obsignatę clarissimè prodiderunt : non quæram , sibíne maluerit , an posteritati consultum : hoc ipso , quod præ se fert , quo se tuetur , quid iniquius , quid inhonestius esse potest ? Cur mutatâ , seu potiùs euersâ Testatoris sanctissimi voluntate , vendita re pauperum studiosorum , locupletissimis Cenomanorum Episcopis lucrum accedat ? Cur relicta inopibus scholasticis bona distrahantur , vt ad Episcoporum aulicum luxum transferantur ? Reliquit Collegis alumnis suis Luxemburgicus Cardinalis , studiosorum egestati pium necessariúmque subsidium , non reliquit alendis copiosorum diuitúmque Cenomanorum Præsulum deliciis , non auocandis à perpetua statione , à legitima debitáque vigilia Pastoribus opportunas Lutetianas ædes.

Atque híc , Iudices , videre , quantum inter Episcopos Cenomanicos Philippum Cardinalem , & Carolum Bellomanerium intersit . Nihil contumeliosè , nihil acerbè dicam . Ille stu-

diosis pauperibus emit, quod iste detrahit ac vendit. Illius ære maceriæ Parisinarum ædium, quæ Cenomanorum Episcoporum fuerant, iuuandis inopum studiis addictæ sunt. Ille vt specie quâdam liberalis nec inhonestæ voluptatis Episcopos in sua sede ac regione contineret, in suburbano rure, altero ab vrbe lapide, in amœnissimo fundo, qua nitidissimus fluuius Hyena labitur, domum elegantissimam atque magnificentissimam exstruxit, quam Yvriacum Episcopi castellum populares appellant. Carolus eas ædes, incuriâ sitûque obsolescere, in dies ruere atque labefactari videt patiturque: Lutetianam Philippi Scholam, accepto pretio, diuendit: duo nobilissima sanctissimi Cardinalis Antecessoris sui monumenta euertit, vt relictis Cenomanis, in otio & ambitione Parisiensi resideat; authoribus, æque re pauperum occupata, domum emanendi causam & illecebram ministrantibus Iesuitis.

Veniam iam ad eam, quam summam grauissimamque causam, rem aliam inuadendi, sempiterni aduersarii Iesuite Ceno-

manus Episcopus tradēdi, commentī sunt. In Collegio Cenomano, inquit, nebulones pro scholasticis grassatorēsque recipiuntur. Nihil consimili calumnian- di facilitate promptius, nihil procliui- us est. Vnum omnino iuuenem inue- nerunt, de cuius aliqua temeritate ad Prætozem Parisiensem relatum, in quem inquisitum fuerit. At is Cenomanus alumnus non fuit: non satis notus eo domicilio, vt fit, exceptus est. Dederat se in Iesuitarum disciplinam, Claro- montanam eorum scholam adibat, cu- ius nequitia, Præceptorum suorum cul- pa potius quàm earum ædium fuit, quas hospes incolebat, è quibus statim at- que mores suos ingeniūque prodi- dit, repente dimissus & eiectus est. Quid vnus hospitis, quid hominis ignoti petu- lantiâ, Alumni adolescentes integerrimi, quid Procurator, quid Moderator, senes innocentissimi, Sacerdotes probatissimi commeruerunt? qui si minùs Sanctè seuerèque viuerent, fuit Episcopi Ce- nomani in eorum mores animaduerte- re, meliores sufficere, non verò Pro- curatoris atque Magistrī nomen, non

alumnorum numerum delere , & ad extraneos eorum bona fortunásque transcribere. Nuper vitiiis & accusatione, Cenomanum Canonicorum Curia personabat , querente insignis eius Ecclesiæ Theologo : ideone Canonicorum munus & nomen abstulit , in eorum locum sortémque Iesuitas aut aliud sufficere conatus est genus hominum ? De Alumnis Luxemburgicis , de Procuratore atque Moderatore Collegij , nemo questus est vnquam , nisi qui tenués eorum facultates suis opibus adiungere studuerunt. Quid Episcopi Cenomanorum ! Non omnes Caroli Bellomanerii similes fuerunt. Non omnes fortasse, pudici , modesti , continentes, sobrii , Doctores , potentes exhortari in doctrina sana , domui suæ familiæque benè præpositi , non omnes ab iis , qui foris sunt, testimonium bonum habuerunt. An ideo Cenomanorum Episcoporum nomen deletum est ? an Episcopatus prædia in alienam manum potestatemque venerunt ?

Nova verò mirabilisque Iesuitarum ista doctrina , noua Christianæ religionis

nis interpretatio, usus incredibilis inau-
 ditæ pietatis, adornatâ calumniâ vic-
 nos incessere, vt isto nomine in eorum
 bona innadant. At ij si profligati es-
 sent, Iesuitarum erat, qui velut ille
 de Evangelio, non sunt sicut cæ-
 teri hominum, vincere in bono ma-
 lum, admonere, hortari precibus, in-
 crepatione, perpetua bonorum studio-
 rum & officiorum contentione, inno-
 centiæ exemplo abducere ab improbi-
 tate, non fundo suo eiicere, non sua
 possessione exturbare. Quanam, ma-
 lum! recens illa prioribusque seculis in-
 cognita natio ratioque Theologorum:
 vicinum, si tibi minus vitam morésque
 probauerit, domo sua, patrio auitoque
 solo dimoueas? in id ipse, pulso domino,
 irrumpas? in alienâ te iactes heredita-
 te? quanto ipse melior, innocentior-
 que? Dicam enim non inuidiæ concitandæ causa, sed coactus iustissimæ de-
 fensionis necessitate. Quæ mendacium
 & perditorum adolescentum, quæ ganeo-
 num, quæ facinorosorum hominum seges
 vberior Iesuitarum Scholis? Vnde im-
 piorum Parricidarum portenta prodie-

runt ? E Claromontano Castellus : è Claromontano Collegio furia illa progressa abominandis hominum generi consiliis instructa. Neque iam discipulos moror : è quibusilla nunquam nominandorum parricidarum portenta extiterunt. Quænam libellorum carnificis manu lacerandorum , & infelicibus lignis vstulandorum alia officina ? Guignardos , Gueretos , Marianas , Becanos , Suarefios , Santarellos , quot eiusmodi nominarem , qui regiam imminuere Maiestatem , regnorum & rerumpubl. fundamenta vertere instituerunt ? Quot iam ex iis latebris in dies erumpunt , qui Ecclesiastica iura conturbare , sacram potestatem auferre Pastoribus , Episcoporum dignitatem infringere , munus extinguere moluntur. Artifices idonei ac negotiatores , quibus cum reuerendus Cenomanorum Episcopus rei sacræ commercio misceatur , & ijs , ædes non suas tradat , in quibus ea meditentur & scribant , quæ ad Episcopos ex orbe Christiano tollendos , referantur.

Id nempe Carolo Bellomanerio placeat , vt qui iam in Cenomano docent Bac-

calaurei Theologi duo , docent enim duo pietate ac eruditione præstantes , ei cessare ac silere videantur , qui nihil aduersus regiam potestatem , nihil contra sanctissimam Episcoporum auctoritatem , vniuersitatis alumni quippe voce litterisque prodiderunt.

Atque hæc necessaria defensionis nostræ præsidia nisi reuerendus Episcopus , nisi Iesuitæ vera certaque intellexissent omnia , nisi firmissima & eiusmodi nossent , quibus apud æquos rerum æstimatores & Iudices detrahi nihil posset, nunquam suum illud consilium, Cenomanam scholam invadendi ac partiendi, ante sex annos initum retractassent, nunquam ipsi iudicio suo condemnassent. Cum enim scdam istam pactiõnem tum primùm instituissent, & à nobis ad Curia Parisiensis auctoritatem prouocatum esset, non pudore quidem, qui tantam istorum cupiditatem nunquam retardauit, sed certissimæ damnationis metu periculòque territi, pacta eadem illa , quæ iam renouata audent ad vestrorum iudiciorum grauitatem sapientiámque deferre, pacta illa conuen-

rāque irrita fecerunt, ijsque se desistere,
 regū notarij manu nobis significauerunt.
 Ita nos simplices viros, qui sui
 eos facti pœnitere ac pudere credidi-
 mus, simulatione pacis circumuenerunt,
 quos iam incautos dolis opprimere co-
 nati, &, sumtu tædiōque sequendarum
 litium proterere, ita frontem & os ob-
 durauerunt, vt vestrarum acie senten-
 tiarum regiæque vi potestatis conficere
 se posse confidant. Qui cū regijs li-
 teras obreperint, cū regio Sigillo pa-
 ctionem obtulerint fraudulentam, fictis
 calumniis in Cenomanum Collegium
 adornatam, cū intercessionem nostram,
 cū supremæ Parisiensis Curia grauif-
 simum interdictum, cū suum ipsorum
 iudicium & pacti retractationem reuo-
 cationemque celarint, satis ostenderunt,
 quid ab hoc sanctissimo Concilio me-
 tuere, quid obtinere deberent.

Quamobrem amplissimi viri spe-
 ctabiles integerrimi iudices, ad quos
 summæ rei nostræ constituendæ pote-
 stas iustissimi Regis voluntate delata est,
 si vobis piorum testamentorum autho-
 ritas sancta, quæ Regum sacrosancta fi-

de ac publica continetur: si nulla cupidorum hominum temeritate commouenda est: si studiosorum inopum fortunæ tuendæ, si neque placet vniuersorum studiorum nomen extinguere, nec ad vnam Iesuitarum gentem docendi partes, ac literarum, quod affectant, imperium dominatûmque transferri: prohibere fœdam rerum sacrarum nundinationem: comprimite crescentem in dies seque latius efferentem mercatorum istorum auaritiam, qui sortem mittere in pauperum hereditatem, Christi vestem discindere non milites, sed hinc Episcopus, inde sacerdotes, sibi que diuidere, relicta studiorum vniuersitati præsidia detrahare omnia moluntur. Ne patiamini per Deum immortalem inopum Cenomanorum & Parisiensis Academiae possessionem à sempiternis eorum aduersariis occupari, nobis Cardinalis amplissimi beneficium eripi, eius testamenti tabulas violari, supremam voluntatem euerti, muniri Iesuitis viam, parari machinas, quibus Collegia nostra cætera oppugnent, studiosos omnes reliquis stationibus exturbent. Quod

enim hoc vno iudicio decernitis, non potest non eò pertinere, vt vel ad cætera corripienda hominum auidissimorum ardor inflammetur, vel istorum cupiditate restincta, Academiarum pace & incolumitate stabilita, modesti, ac probi omnes ad meliorum partium & literarum studia incitentur.

Hominis confirmatum testamentum nemo spernit, aut superordinat.
 PAUL. 3. ad GAL.



